

იმიტომ ხდება რევოლუცია

იმიტომ ხდება რევოლუცია,
და დაგრილებს მსოფლიოს თავზე,
ჯვარედინებზე მყოფი პოეტი
ახალ სიცოცხლით შეიქნეს სავსე.
იმიტომ ხდება რევოლუცია,
რომ მოიტანოს დიადი რწმენა,
გვჯეროდეს საქმე და სიხარული, .
აღფრთოვანება და აღმაფრენა!
იმიტომ ხდება რევოლუცია,
მისთვის გაისმის ტყვიის ზუზუნი,
რომ პოეტების არ გაისმოდეს
უიმედობა, კვნესა, წუწუნი!
იმიტომ ხდება რევოლუცია,
იყოს ოჯახიც ახალით სრული
და არა ძველის-ძველი რუტინით
შებორკილი და შეწუხებული.
სასოწარკვეთა, უსასობა,
ძველ ხანას ჩვენთვის რომ მოუცია,
უნდა გადიწვას და აღიგავოს,
ამიტომ ხდება რევოლუცია!
იმიტომ ხდება რევოლუცია,
რომ ამიერით არ გვეფერება
მწუხარე ხანა დეკადანსისა:
დაცემა, გახრწნა, გადაგვარება.
პოეტი ახლა გამდგარი განზე
დროგადასული და მოხუცია,
უნდა შეერთო მასობრივ ტალღებს,
ამიტომ ხდება რევოლუცია!

1927